

ԱՄԵՆ ՄԵԿԻՆ ԻՐԵՆԸ

Ղարաբաղյան շարժման առաջին օրերից իրենց ժողովրդի հետ էին երկու հայ գրողներ՝ Սիլվա Կապուտիկյանը և Ջորի Բալայանը: Գրականության մեջ առաջինի վաստակը, իհարկե, անչափելի էր: Քաղաքականության մեջ՝ նույնպես: Սիլվա Բարունակովնան թերևս միակն էր հայ գրողներից, որ համարվելով էր այլախոհությունը քրակորել: Ջորի Բալայանը, ընդհակառակը, ավելի շատ սիրված էր փայփայված էր իշխանության ժողովից: Երբ նա գիրք էր գրում կորհրդային Հայաստանի հերթական հոբելյանի առթիվ, ժողովուրդների քարտուղարներն իրենց տերությունների սահմաններին էստաֆետով իրար էին հանձնում գրողին. մի շքեղ կերուխումը լավարտված՝ սկսվում էր մյուսը...

Ղարաբաղյան շարժման արդյունքում իշխանության եկավ մի ում, որն այդ շարժման բուն շարժիչ ուժին չէր սիրում, իսկ ինչ-որ չափով նաևատում էր: Ջորի Բալայանը արագ հաշտվեց ատեղծված իրողության հետ: Սիլ-

վա Կապուտիկյանը ոչ մի առիթ չկորցրեց ճշմարիտ խոսք ասելու իր ժողովրդին, և դրանից իշխանության ատելությունը նրա հանդեպ ավելի կատաղի դարձավ: Ասենք, հիմա էլ շատ անձեռնի հրատարակություններ առիթը չեն կորցնում հնարավորին չափ ցավոտ հարվածներ հասցնել բանաստեղծուհուն: Ջորի Բալայանին, որն այժմյան իշխանության հենասյուններից մեկն է իրավամբ, հիմնականում քծնում են:

Այս ամենը, ինչպես նաև բազմաթիվ այլ բաներ կարելի էր նաև չհիշել, եթե օրերս հանդիսավորագույն պայմաններում չնշվեր բանաստեղծուհու հոբելյանը: Սիլվա Բարունակովնան, ինչպես իր ողջ կյանքում, իր իսկ արտահայտությանը, ծափերի ու ծաղիկների մեջ էր: Ջորի Բալայանը, դարձյալ ինչպես միշտ, իշխանության հետ՝ նախագահական օթյակում...

Ոչ թավշե, ոչ արյունոտ ոչ մի հեղափոխություն այս աշխարհում, ի վերջո, ոչինչ չի շրջում գլխիվայր. ու յուրաքանչյուրն ստանում է այն, ինչին միշտ ձգտել է...